



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

5 մարտի 2015 թվականի N 197 - Ա

«ՇԻՐԱԿ-ՋՐՄՈՒՂԿՈՅՈՒՂԻ» ԵՎ «ԼՈՌԻ-ՋՐՄՈՒՂԿՈՅՈՒՂԻ» ՓԱԿ ԲԱԺ-ՆԵՏԻՐԱԿԱՆ ԸՆԿԵՐՈՒԹՅՈՒՆՆԵՐԻ ԿԱՆՈՆԱԴՐԱԿԱՆ ԿԱՊԻՏԱԼՆԵՐՆ ԱՎԵԼԱՑՆԵԼՈՒ ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 35-րդ և 67-րդ հոդվածներով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության 2014 թվականի պետական բյուջեով նախատեսված և տրամադրված՝ Գերմանիայի զարգացման վարկերի բանկի աջակցությամբ իրականացվող Հայաստանի Հանրապետության Շիրակի (Գյումրի) մարզի ջրամատակարարման և ջրահեռացման համակարգերի վերականգնման դրամաշնորհային ծրագրի համար Գերմանիայի զարգացման վարկերի բանկի 430,159.2 հազ. դրամ դրամաշնորհում Հայաստանի Հանրապետության կառավարության 55,808.3 հազ. դրամ համաֆինանսավորման գումարը, Գերմանիայի զարգացման վարկերի բանկի աջակցությամբ իրականացվող Շիրակի (Գյումրի) մարզի ջրամատակարարման և ջրահեռացման համակարգերի վերականգնման ծրագիր՝ երկրորդ փուլի համար Հայաստանի Հանրապետության կառավարության 1,452,294.0 հազ. դրամ համաֆինանսավորման գումարը, ընդամենը՝ 1,938.261.5 հազ. դրամ, որպես պետական բաժնեմաս ներդնել «Շիրակ-ջրնուղկոյուղի»

փակ բաժնետիրական ընկերության կանոնադրական կապիտալում՝ լրացուցիչ բաժնետոմսերի տեղաբաշխման միջոցով ավելացնելով ընկերության կանոնադրական կապիտալը:

2. Հայաստանի Հանրապետության 2014 թվականի պետական բյուջեով նախատեսված և տրամադրված Գերմանիայի զարգացման վարկերի բանկի աջակցությամբ իրականացվող Հայաստանի Հանրապետության Լոռու (Վանաձորի) մարզի ջրամատակարարման և ջրահեռացման համակարգերի վերականգնման ծրագիր՝ երկրորդ փուլի համար Հայաստանի Հանրապետության կառավարության 614,478.0 հազ. դրամ համաֆինանսավորման գումարը, որպես պետական բաժնեմաս ներդնել «Լոռի-ջրնուղկոյուղի» փակ բաժնետիրական ընկերության կանոնադրական կապիտալում՝ լրացուցիչ բաժնետոմսերի տեղաբաշխման միջոցով ավելացնելով ընկերության կանոնադրական կապիտալը:

3. Հայաստանի Հանրապետության գյուղատնտեսության նախարարության ջրային տնտեսության պետական կոմիտեի նախագահին՝ Հայաստանի Հանրապետության օրենսդրությամբ սահմանված կարգով ապահովել «Շիրակ-ջրնուղկոյուղի» և «Լոռի-ջրնուղկոյուղի» փակ բաժնետիրական ընկերությունների բաժնետերերի ընդհանուր ժողովների անցկացումը՝ կողմ քվեարկելով սույն որոշման 1-ին և 2-րդ կետերով սահմանված կանոնադրական կապիտալների ավելացման որոշումներին, և կանոնադրական կապիտալների փոփոխմամբ պայմանավորված կանոնադրությունների փոփոխությունների գրանցումը և արտացոլումը «Շիրակ-ջրնուղկոյուղի» և «Լոռի-ջրնուղկոյուղի» փակ բաժնետիրական ընկերությունների 2014 թվականի գործունեության ֆինանսական հաշվետվություններում:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

2015 թ. մարտի 6
Երևան



Հ. ԱՐԲԱՀԱՄՅԱՆ